

**Statuti della**

**corporazioni d'alps**

**Summitg**

# Cuntegn

- I. Intent e finamira
- II. Commembradi
- III. Organs
  1. La radunonza dalla corporaziun
  2. La suprastonza
  3. Reviurs
  4. Cuitgs
  5. Caschadas
    - a) Glivers e Naustgel
    - b) Russein
- IV. Finanzas
- V. Rendaquen
- VI. Castitgs
- VII. Determinaziuns finalas

## **I. Intent e finamira**

Intent	<b>Art. 1</b>	Sut il num corporaziun d' alps Sumvitg (vinavon numnau corporaziun ) exista per temps nunlimitau ina corporaziun da dretg public tenor dretg cantunal (art. 63 ff dretg cantunal da vischnauncas).
Finamira	<b>Art. 2</b>	Gl' intent dalla corporaziun ei:  <ol style="list-style-type: none"><li>1. Ina cunvegnetta cultivaziun dallas alps e pastiras</li><li>2. In' utilisaziun raziunala dil latg</li><li>3. Setener vid las perscripziuns federalas, cantunalas e communalas arisguard alpegiaziun</li></ol>
Territori	<b>Art. 3</b>	Il territori affitau cun pastiras d' alp, mises e casa cun baghetgs necessaris ein fixai sin in plan. Quest plan fuorma ina part dil contract d' affitaziun.
Collaboraziun	<b>Art. 4</b>	La corporaziun collaborescha cun la vischnaunca e risguarda il reglament da gudida d' alps e pastiras ed il contract d' affitaziun.

## **II. Commembradi**

Commembers indigens	<b>Art. 5</b>	Habitonts dalla vischnaunca da Sumvitg ch' alpegian silmeins in animal en vischnaunca ston daventar commember dalla corporaziun.
Midada da menaschi	<b>Art. 6</b>	Tier surdada dil menaschi enteifer la vischnaunca daventa il niev pur automaticamein commember cura ch' el annunzia ils tiers per l' alpegiaziun.
Commembers d' ordeifer	<b>Art. 7</b>	Purs d' ordeifer che cargan silmeins in animal en vischnaunca san vegnir pri si entras la radunonza generala dalla corporaziun, la quala tschenta era las condiziuns. Il commembradi va en vigur cun la suttascripziun dils statuts.
Sperdita dil commembradi	<b>Art. 8</b>	Il commembradi croda cun ils suandonts motivs:  <ol style="list-style-type: none"><li>1. Sortida</li><li>2. exclusiun</li><li>3. buca ademplir ils artechels 5-7</li><li>4. calar cun l' alpegiaziun</li><li>5. mort</li></ol>
Extrada	<b>Art. 9</b>	La demissiun succeda sin la fin digl onn da fatschenta, cun risguardar in temps da visada da treis meins.
Exclusiun	<b>Art. 10</b>	Commembers che risguardan buca ils interess dalla corporaziun san vegnir exclaus entras la radunonza dalla corporaziun. La persuna sclausa sa far recuors enteifer 20 dis tier la suprastanza communalas sco davosa istanza.
Obligaziuns	<b>Art. 11</b>	Mintga commember ei obligaus da risguardar statuts, reglaments e conclus dalla corporaziun e da surprender in uffeci.

Daner  
d'entrada

**Art. 12** Tier l' entrada paga mintga commember ina taxa da frs. 500.-.

**Art. 13** Tier l' extrada vegn la taxa restituida.

Indemnisaziun

**Art. 14** In commember, ni ses artavels, che sortescha san pretender negina indemnisaziun, priu ora la taxa d' entrada.

**Art. 15** Pitescha la corporaziun tier ina extrada buca motivada ni exclusiun d' in commember donn, ni periclitescha ella l' existenza dalla corporaziun, sto quel pagar ina indemnisaziun adeguata che vegn fixada dalla radunonza dalla corporaziun. (OR 842)

### III. Organs

Organs

**Art. 16** Ils organs dalla corporaziun ein:

1. La radunonza generala
2. La suprastonza
3. Ils revisurs
4. Ils cuitgs
5. Las caschadas      a) Glivers, Naustgel  
                                 b) Russein

#### **1. La radunonza dalla corporaziun**

General

**Art. 17** La radunonza dils commembers ei l' emprema istanza dalla corporaziun.

Cumpetenzas

**Art. 18** Ella ha las suandontas cumpetenzas:

1. Tschentar si e midar statuts, ils quals ein d' approbar dalla suprastonza communal.
2. Formar ordinaziuns d' alps e pastiras
3. Prender si ed excluder commembers
4. Elecziun dalla suprastonza, revisurs e cuitgs
5. Fixar contribuziun d'entrada
6. Reparter ils tscheins sin las differentas alps
7. Lubir expensas che survargan las cumpetenzas dalla suprastonza
8. Approbar rapports, protocols e quen
9. Liquidar recuors viers la suprastonza ed autras instanzas dalla corporaziun
10. Fixar indemnisaziun dils funcziunaris
11. Sligiar si la corporaziun

Convocar  
radunonzas

**Art. 19** La radunonza generala ha liug ina ga ad onn el meins schaner. Ella vegn clamada entras la suprastonza cun publicar ei el feagl official sursilvan duas jamnas avon il termin dalla radunonza, cass specials cun invit persunal silmeins 5 dis avon la radunonza. En cass specials san era ils revisurs, ni sil pli pauc in tschunavel dils commembers pretender ina radunonza.

Ils purs da nuorsas fan ina radunonza dapersei. Las propostas da quella radunonza ston vegnir approbadas dalla radunonza generala.

Orientaziuns	<b>Art. 20</b>	Gliestas d' alpegiaziun e datums da cargar e scargar vegnan publicadas sin tabla nera.
Decisiuns	<b>Art. 21</b>	Decisiuns san mo vegnir pridas, sch' ellas ein tractandadas . Exepziuns ein tenor art. 884 OR.
Substituziun	<b>Art. 22</b>	In commember che sa buca prender part alla radunonza sa vegnir substituius entras ina persuna carschida ord l' atgna familia.
Dretg da votar	<b>Art. 23</b>	Mintga commember ha ina vusch alla radunonza.
Elecziuns	<b>Art. 24</b>	Elecziuns vegnan fatgas per scrutini, sche silmeins in commember giavischa ei.  L' emprema elecziun vegn decidida cun absolut pli, la secunda cun maunpli. Tier vuschs ulivas decida la sort.
Votaziuns	<b>Art. 25</b>	Votaziuns vegnan decididas cun maunpli.

## 2. La suprastonza

Cumposiziun	<b>Art. 26</b>	La suprastonza consista dil president, actuar (vicepresident) e cassier. La suprastonza vegn elegida alla radunonza generala dalla corporaziun per mintgamai dus onns. Els ein reelegibels.
Pensums	<b>Art. 27</b>	La suprastonza ha da manischar la corporaziun e representar ella anoviars.  Ses pensums ein:  <ol style="list-style-type: none"><li>1. Clamar radunonzas, preparar tractandas ed elecziuns, orientar.</li><li>2. Administrar la facultad dalla corporaziun</li><li>3. Menar protocols, quen, gliesta menaschis</li><li>4. Prender encunter annunzias d' animals</li><li>5. Repartiziun ed ulivaziun dallas alps</li><li>6. Contrahar cun la suprastonza da vischnaunca</li><li>7. Approbar contracts d' affitaziun da baghetgs denter privats e vischnaunca</li><li>8. Mirar che statuts e ordinaziuns vegnan risguardai</li><li>9. Administrar e reparter danes d' alpegiaziun</li><li>10. Organisar lavur cumina</li><li>11. Far contracts da lavur cun la fumeiglia</li><li>12. Fixar ensemen cun ils cuitgs cargada e scargada</li><li>13. Controlla dils cuitgs</li><li>14. Adatar las ordinaziuns tenor las decisiuns e conclus dalla radunonza generala.</li><li>15. Publicar gliestas, ordinaziuns e statuts sin la pagina d'internet.</li></ol>
Sedutas	<b>Art. 28</b>	Il president cloma e meina tuttas sedutas.  La suprastonza sa mo decider sch' ella ei cumpletta.

Cumpetenzas **Art. 29** La suprastonza decida d' expensas extraordinarias tochen frs. 1000.-

### 3. Revisurs

Cumposizin **Art. 30** La radunonza dalla corporaziun elegia dus revisurs per dus onns. Els san vegnir reelegi. Revisur san era persunas daventar, ch' ein buca commembers dalla corporaziun.

Pensums **Art. 31** Ils pensums dils revisurs ein.

1. Controllar ils protocols
2. Controllar il quen dalla corporaziun
3. Controllar il quen dallas caschadas (Glivers e Naustgel)
4. Controlla sur l'entira corporaziun
5. Controlla sur la suprastonza
6. Proponer la grondezia da castitgs per surpassaments

Dretgs **Art. 32** Ils revisurs han da tut temps il dretg da mirar en protocols, tuts quens e da schar s' informar.

Rapportar **Art. 33** Ils revisurs han da dar giu in rapport a scret alla radunonza generala ed allas radunonzas dallas caschadas.

### 4. Cuitgs

Cumposiziun **Art. 34** La radunonza dalla corporaziun elegia per mintga alp 2 cuitgs (Carpet, Laus, Rentier e Valesa). Las elecziuns succedan alternond. Mintga 3 onns vegn in cuitg per alp elegius per 6 onns.

Pensum **Art. 35** Ils pensums e las obligaziuns dils cuitgs vegnan fixadas en las ordinaziuns

### 5. Caschadas

a) Glivers e Naustgel

Organisaziun **Art. 36** Las caschadas s' organiseschan sezzas. Lur ordinaziuns ston vegnir approbadas dalla suprastonza dalla corporaziun.

b) Russein

Organisaziun **Art. 37** La caschada da Russein meina in agen quen. La taxa da gudida ei tuttina sco quella dallas ulteriuras alps dalla corporaziun.

#### **IV. Finanzas**

**Art. 38** Ils mieds finanziaals vegnan procurai suandontamein:

1. Daners d' entrada
2. Tscheins da daners d' entrada
3. Aquen per animal annunziau
4. Taxa per animal cargau
5. Taxa per animal sin pistira da casa e mises
6. Daners d' alpegiaziun
7. Castitgs

Gudogn

**Art. 39** La corporaziun preveda buca da far gudogn. Il daner d' entrada vegn deponius sin in conto da reserva.

#### **V. Rendaquen**

Quen

**Art. 40** Il cassier dalla corporaziun ha da schar reveder il quen avon radunonza generala. Ils cassiers dallas caschadas Glivers e Naustgel han da surdar il quen sin la fin da schaner als revisurs.

Dretg da  
suttascripziun

**Art. 41** Il president ensemen cun in consuprastont, han il dretg da suttascriver en num dalla corporaziun.

Responsablada  
d

**Art. 42** La corporaziun ei responsabla enviars la vischnaunca per tuts dons vid il fatg affitau (art. 9 reglament gudida d' alps e pastiras).

#### **VI. Castitgs**

Castitgs

**Art. 43** Surpassaments encunter statuts, ordinaziuns e conclus dalla corporaziun vegnan castigai dalla suprastonza cun summas tochen frs.500.-. Levs cass vegnan liquidai cun in' admoniziun a scret. Il strufiau sa recuorer tier la suprastonza communalenteifer 20 dis.

Midada da  
statuts

**Art. 44** Midadas, ni novs statuts san mo vegnir fatgs entras la radunonza dalla corporaziun. Mintga midada sto vegnir approvada dalla suprastonza communalenteifer 20 dis.

Ina midada dils statuts va en vigur cun il maunpli dallas vuschs dils commembers presents.

Excepziuns art. 889, abs. 1 OR.

## VII. Determinaziuns finalas

Sligiar si la  
corporaziun

**Art. 45** La corporaziun sa vegnir sliada si cun communicar ils motivs, e cun duas tierzas  
dallas vuschs dils commembers.

Sur dil diever da daners restonts decida la radunonza dalla corporaziun.

Approbaziun

**Art. 46** Quels statuts ein vegni approvai a caschun dalla radunonza dalla corporaziun  
d' alps Sumvitg ils 27-10-1999 e van en vigur suenter approvaziun dalla  
suprastonza communal il 1-1-2000.

Il president dalla corporaziun  
Bearth Rest Andriu

Igl actuar dalla corporaziun  
Duff Marcus

Il president communal  
Wenzin Placi Michèl

Il canzlist  
Monn Martin